

docriver 文川网
古籍书城
入驻商家
在文川网搜索古籍书城 获取更多电子书

福建府縣志輯

中國地方志集成

民國霞浦縣志
康熙壽寧縣志
光緒福安縣志

中國地方志集成

福建府縣志輯⑬

光緒福安縣志

康熙壽寧縣志

民國霞浦縣志

上海書店 ● 巴蜀書社 ● 江蘇古籍出版社

序

縣之有志猶家之有譜圖之有史天下之有國籍也與
溫麻稱地晉太康中因以名邑自是或為縣或為州或
國復為縣代有沿革縣志附載於編客府志未有專書清道光間邑
進士游曼堂與諸先輩議纂縣志以補其缺甫從事編輯又以出宰
山西而未果自是無過而問者遺文軼事一徵諸府志願府志修於
乾隆壬午距民國五年已百五十餘載歷世既遠缺畧甚矣前邑令
羅公汝澤奉令修志業已分區採訪設局購纂迄今將十年矣未竟
厥績乙丑余承乏霞浦奉文催續而志稿無一就緒因與郡人士商
權分門修續幸在局諸職事暇勉勵襄凡七閱月而志稿歲余又問
序於予予惟霞浦一邑自唐文物衣冠傳於上國宋以後國志多佚
不存存者惟萬歷州志乾隆府志而已至於縣志則從來未見語云

霞浦縣志

序

因者易為功粗者難為力霞浦縣志雖因而實粗也是役也成功甚
速簡陋之謂自知不免然以備一方之紀載一代之見聞則不無小
補因喜而為之序

中華民國十五年歲次丙寅菊月知霞浦縣事國縣郭 榮撰

序

霞浦縣治舊為長溪縣為福寧州為縣府幾經變易至雍正十二
年乃定名霞浦而縣治以立乾隆二十七年曾修府志然中合五縣
求其本縣專志則自昔無有其中有既議而未行者有行之而未成
者有將成而未竟者設局及十年糜費不貲而志書究未可得趨時
豪俊努力新猷寥寥存古之儒亦以少懈矣余受事逾月邑紳以余
尚不厭舊以是為請是時縣事軍差匪警日務期集誠不暇及職念
諸君子雅具苦心繼續至此老成未謝眷軼猶存及此弗圖將有文
獻無徵之懼適名孝廉徐君澹士余以同寅之誼邀之來遊遂聘以
為總纂使之彙群才於一室而董其成於是散者集之訛者正之闕
者補之蕪者芟之複者併之草創者潤色之凡兩閱月而歲事焉夫
黨化高張之世而有存古之舉未為曠時然政治雖復日新而數千

霞浦縣志

序

年來之文物聲名固已各成一代之治而燦然於人之心自此當重
為實惜者豈以僻在海隅而忽之歟且昔之所尚而為今之所薄又
烏知今之所薄不更為異時之所尚是役也殆亦抱殘守缺之遺意
乎是為序

中華民國十六年歲次丁卯霞浦縣縣長劉以威撰

docsriver 文川网
入驻商家 古籍书城

在文川网搜索古籍书城 获取更多电子书

序

夫台衆人之力累年而勤一事幾幾欲成又幾幾不可成而忽然以成則不禁爲之大快而一時之親其役者亦莫不拊掌稱快何者失之意中而得之意外則其得愈可樂也霞邑自民國六年奉令修志諸君子汲汲從事蓋十年於茲矣世變日亟人壽幾何於此猶有遷延勞將就廢一邑之掌故平日之勤劬不能不委諸草莽滋足悲也余自投簪歸里耽情山水夙羨是處有小桃源之目而故人劉君幼雪適宰是邑挈行遂欣然以往陪事登臨縣長以縣志未就徇邑人之請德余成書固辭弗獲遂集各稿披閱月餘復與同人聚局參訂兩月餘乃漸就緒分纂計十一人皆宿學廣見纂編計四十册黃君錫卿十一册張君星凡十册陳君子恭九册餘則一册或二三册焉黃君始終在事商訂之力爲多更參以衆見而志稿遂以告成夫成

霞浦縣志

序

三

不成敗也事逾十年不成卽廢懼其廢而切其成於是衆志決而衆力齊一篑之覆猶將九仞況於不止一篑哉然稿完而不能刊則志書仍不成又有薛君香亦者既倡於前復繼於後而爲奔走集賢之舉乃嘆有志竟成遲之十年收之一日非偶然也夫以賢邑宰之儒雅風流諸君子之苦心毅力而使漫遊狂客適會其成功豈非畢生大幸乎爰述顛末而爲瀟引一大白

民國十六年歲次丁卯冬前江西信豐縣知事總纂徐友梧撰

正統福寧縣志舊序

志者記也凡邑之建置沿革與夫星野疆域山川道里城池官蹟人物風俗賦稅物產無一不記焉邑之前輩嘗修矣草率一時未及錄梓流傳未廣鈔錄者又未免魯魚亥豕之訛久而失真元季兵燹泯沒罕傳間有存者又多殘缺文義不可曉意常以是爲病竊欲修之而年衰力憊僻居一隅以有限之見聞而欲通知一邑之事實抑又難矣故欲爲而中輟者數次然於心有所不忘乃取水樂戊戌所修志稿并掇拾殘編斷簡以己意而增損之輯而成志釐爲五卷名曰福寧志其中缺畧者衆固不足爲全書尙希後之博雅君子廣蒐博採補其疏遺訂其差謬梓以傳之俾後人觀覽山川道里景物出產之富文人學士忠臣孝子之行宛然在目以致其景行之慕磨世礪俗施之無窮豈曰小補之哉正統乙丑五月望日訓導南金鄭憲撰

霞浦縣志

序

四

萬應福寧州志舊序

余自業諸生即好觀海內國經慨然曰嗟乎聖王之政要以裁成輔相則官小史外史之職當亟講矣邦國無志則記載不明何以表次舍而察妖祥知險塞而稽事實官材風土漫漶無徵雖欲為政不可得也余不佞由戊子賢書已丑釋褐承乏福寧福寧介在山海間周覽歷訪問志乘知己燬於火諸事蕪闕余方蚤夜劬勞未遑今年諸廢稍葺以修志事請諸當道報可開局延州搢紳先生林紹木鄭馨張風南賢鄭春元鄭玉沙任纂修事而分命諸生以次編集適游公少澗榮轉湖藩錦旋梓里又加綜覈較昔為備不佞亦不敢辭借踰焉既編大釐為十卷曰輿地曰營繕曰兵衛曰食貨曰歷官曰選舉曰名宦曰人物曰藝文曰雜記取材富麗各有攸屬爰付諸梓而序之曰州在漢最號僻遠晉末中原之士指為避亂之藪即有噴秦

廣浦縣志

序

五

不過山寇旋旋旋定國初始建三里之城成化九年改邑為州轄縣二漸致增設厥後島夷雲擾海警頻仍至嘉靖壬戌而城濠高廣國隘嚴密稱為巨鎮矣夫兵之設以衛民也兵制詳則民生安乃按舊籍州在勝國時以戶計者二萬一千有奇二百餘年而所存僅四之一何也夫山川形勢不改於前營繕祠宇幾倍於曩人才輩出循良迭見非復當時溫麻之陋而獨戶口弗益豈遷業多抑虜劫寶甚耶守土者滋大懼焉天有遺囑故災害日侵地有遺利故水土日瘠民有失國則農桑日誦三者皆由志士不立上之人無所知其利病以裁成而輔相之也所關國不重哉余愧謏劣無裨是書然細大畢舉繁穠盡削俾後之吏茲土者有所規撫不詭於正則是書也即以國家外史之採取也亦無不可

萬應突已孟冬進士出身奉直大夫知福寧州事古郵史起欽撰

乾隆福寧府志舊序

周禮小史掌邦國之志自古稱之五方風氣各殊敷施亦異筆之於書俾致治者因時因地各隨其宜以光前修而出治道與兼重哉聞自無諸啓元至唐李成公常觀察來蒞斯土振興教育聲名文物擬於中州福寧溫麻舊地晉太康中因船名邑或列為縣或置為州隸於三山者代不絕書我朝定鼎初仍其舊雍正十二年前制府郝公奏陞為府復以霞浦地分設福鼎並割壽寧屬之凡五邑並列十閩乾隆已卯春余來典郡海疆新闢治具未張方督諸令長治城垣修水利勸農桑興教化欲稽考舊蹟取各志乘而披閱之不惟府志闕如即五縣志亦殘蠹無復存者乃愀然曰嗟乎郡之須志猶家有譜國有史天下之有圖籍也一或不備上之人欲求治而曷以更化下之人欲景賢而奚以觀感我皇上德綏遐荒盡歸版圖靡疆漆齒無

廣浦縣志

序

六

不備職方策以為出治害人之鑑客郡負山環海界在東南沐浴聖化百有餘年近者府治新開五縣分隸氣象維新各縣皆百里之寄考之往昔都城無過百雉公侯乃封百里今之令長即古之列侯任大責重非徒被墨綬佩銅章以相誇耀必能立政善建不敵之業乃足宜德意而昭來許倘典章弗備簡陋因之是自失其權與而向化從風亦無所為視倣也毋乃實有所闕以速官誘爰檄五邑令長學博屬紳子矜各修厥志討論舊本撮其精要採訪與論補其缺畧會萃彙呈余於政事之暇取各縣志稿條分縷晰刪繁正譌未及告成旋調福州復於奔走倥傯中編摩考訂一燈焚膏常至丙夜弗休自庚辰夏迄於壬午秋府志既成縣志亦就因為弁言而歸之以付梨棗夫古之不能無待於今猶今之不能無待於後一人有千歲之智而無百歲之身况居官如傳舍為治若操舟而悠悠從事將後之視

今本縣令之履昔耶此予五縣志之作所爲不可緩也至於政與地
會與時宜考古稽今推行盡利能者當自勉之勿俟金書之贊也
已

民國二十七年壬午閏五月知縣事府事李 拔讀

序

吾縣舊誌創自有明鄭憲公然因陋就簡閱者皆爲萬曆間鄉先輩
張大光先生起而增輯之亦未見詳且備也清郡守李拔公撰府誌
而附列廣濟縣誌則又未免限于篇幅較多疏漏自中葉迄今相距
已百餘年縣誌之有待修輯蓋汲汲不容緩矣民國肇興經省議會
議修國誌省總纂陳衍先生頌凡例到邑乃公推游君學誠爲總纂
余亦委任監修職願以地方未靖諸多停頓誌局之設亦日虛一日
遂游君病革竟不獲蒞事而逝此則修誌前途之一大悲觀余正以
告竣無期爲慮忽于丁卯春間邑主劉公以議設置其棟屬徐君友
椿本吾國之名孝廉余請就總纂席自是採訪分纂諸君子亦時有
投稿越二年乃告成嗚呼縣誌之成不成於游君而成于徐君數也
亦幸也爰稱喜而叙其顛末如此

民國十八年歲次己巳十一月前署廣濟縣知事監修王邦懷撰

凡例

一 舊縣志今存者惟萬曆寧州志及乾隆寧州志凡例稱州志簡陋而參以福建新舊通志圖書名勝志五縣新舊志其採輯自視前為詳然五縣合綜及為之規取本縣則簡陋猶昔今距乾隆修志之年又歷百五十餘年可記者幾增其大半故本志似因而實創其例亦舍舊而從新

一本志編輯遵用省總局所頒三十八條之志例然因土地關係及紀錄便利間有變通

一 省局志例限至民國五年為止故採訪僅及是年惟現已民國十六年其事實昭著有關重要者仍予編輯

一 舊府志無大事記而散見於海防詳異外紀各門今彙為一紀乾隆二十七年後皆據採訪冊續入并及近年仍按年編次略仿綱

龍浦縣志

凡例

目

一 龍邑面海負山為海防要地舊府志山川門甚略今既列舉而詳紀之復綜述而撰海岸沙線及全縣山脈二篇便有統系可尋并紀其要以畫一縣之形勢至於關隘及海口各為一表尤便觀覽

一 水利舊志所無今為之窮源溯流以畫水道并繪圖以明之各鄉之陂塘等悉予條列確磨橋訂渡井亦屬焉未附以治河各記以備後之參考

一 名勝凡山水勝觀及前人故事悉列古蹟中經品題及題咏者列入風景末以名人宅墓附焉

一 聖廟及祀典彙誌學校中不入祠祀門為各縣志所同以示尊聖之意今仍之

一 選舉乾嘉時邑人科名顯盛尤緒庚辰重刊府志未予續登今補

道光採訪稿補入其疑似者則參考福建通志續通志以校其實又舊府志五頁但憑學籍多非本邑人亦據鼎安寧各縣志校對勾出

一 舊府志無武備而海防兵制各門皆其事實又舊續署案卷及同治年變軍兵制奏疏悉加考證以期詳確

一 實業如各例所列之農工商鑛各學校各局廠均所未有而歷來所經營者固有農田森林牧畜及果茶旋礦瓷商等業暨其雜業况漁業尤居大宗均予照叙

一 交通首重電報而本縣無之惟有郵務局而已然陸程水程陸運水運亦自可紀

一 藝文登載自以佳者為主惟舊志所錄亦加選擇其于地方無善者概不關人

龍浦縣志

凡例

一 列傳舊例止有四項餘則各為專傳而長樂縣志則各項甲乙平列較便編輯今從之

一 列傳分目十二中有沿用舊志者其標目雖不必與省例盡同而實質無異悉按其舊類以定編次

一 列傳首循吏亦沿長樂志先客之說舊府志有遺學則從省例統於儒林奸臣亦沿舊例從國經前志所載者有更正而無剔除其續登者必按其實蹟而考諸公論以明傳信

一 列女別為一傳內分三目賢淑貞烈情節各異必藉傳而明惟節孝一類自明及今有八百七十餘人節操之盛至為可欽然事實大致相同今通為一表條列姓氏仍紀其要既覺明瞭尤便編輯

霞浦縣志目錄

卷之首

各同

卷之一

輿界表

卷之二

緯候表

卷之三

大事志

卷之四

山川志

卷之五

霞浦縣志

水利志

卷之六

城市志

卷之七

建築志

卷之八

名勝志

卷之九

戶口志

卷之十

賦稅志

卷之十一

張耀璇

全上

全上

全上

全上

全上

全上

全上

全上

全上

全上

全上

全上

全上

全上

全上

全上

全上

全上

全上

全上

全上

全上

全上

物產志

卷十二

度支志

卷十三

職官志

卷十四

學校志

卷十五

選舉志

卷十六

警察志

卷十七

武備志

卷十八

實業志

卷十九

交通志

卷二十

司法志

卷二十一

外交志

卷二十二

禮俗志

卷二十三

張鼎鐘

陳善臣

黃金爵

黃金爵

朱彥瀛

朱彥瀛

黃金爵

黃金爵

王士璣

王士璣

黃金爵

黃金爵

黃金爵

黃金爵

陳善臣

全上

全上

全上

王登輝

朱彥瀛

朱彥瀛

何繼英

何繼英

何繼英

惠政志

全上

卷二十四

祠祀志

陳善臣

卷二十五

藝文志

上 著述 賦 詩 歌 樂 雜 著
下 書 序 碑 墓 誌 銘

張耀璇

卷二十六

金石志

章寶華

卷二十七

循吏

黃何全

卷二十八

宦哲

黃金爵

卷二十九

霞浦縣志

目錄

三

武功

全上

卷三十

儒林

全上

卷三十一

文苑

全上

卷三十二

忠義

全上

卷三十三

孝友

全上

卷三十四

義行

張耀璇

卷三十五

隱逸

陳善臣

卷三十六

流寓

黃金爵

卷三十七

方技

陳善臣

卷三十八

方外

張耀璇

卷三十九

列女傳

黃金爵

卷四十

雜錄

黃金爵

霞浦縣志

目錄

四

督修

前霞浦縣知事羅汝澤

前霞浦縣知事郭 華

現任霞浦知事劉以威

協修

王邦懷

總纂

徐友梧

分纂

黃金爵

章寶華

繪圖

霞浦縣志

職員

徐登陸 張邦經

勸事員

許錫琛 鄭開賢

陳文如 胡坤成

校對

張禮璇 陳寶齡

採訪員

陳子駒 謝祖培

葉嘉亨 葉嘉貞

陳學仲 郭作珍

嚴恭之 鄭介福

陳士珍 陳文如

郭經畬

林 驥

黃承恩

張耀藻

陳咏裳

謝宸恩

卓乾裕

盧守用

林紹聰

陳繼徽

林 蕪

張彥福

王文彬

林鴻藻

何國鼎

張 駿

張鴻肅

張邦紀

盧憲虞

張 帷

薛蘭猗

郭經畬

章寶華

邱善元

王登墀

黃玉鏡

何繼英

朱彥瀛

張鼎鐘

巫紹經

陳蟬聯

薛蘭階

袁慶震

林煥燾

張則梅

林鳴皋

吳望蔭

黃 韶

俞景熙

黃純元

袁念祖

許 進

林起雲

林鳴三

張邦耀

林則賢

鄭夢熊

鄭贊堯

何宗傑

高炳文

熊渭瑛

李永清

周性寶

袁承志

張慶芹

林寶瑤

陳志書

魏增錫

林兆翰

陳學曾

魏鵬章

楊宗毓

周克耀

林培元

何其昌

霞浦縣志

職員

二

臺灣全圖

1:200000



圖例	
■ 城鎮	— 省界
■ 堡壘	— 縣界
○ 鎮村	▲ 山脈
X 鐵路	— 河流
— 海岸	— 道路



中華民國十八年七月

張邦經製

霞浦縣志卷之一

疆界沿革表

自郡縣之制行而此疆彼界官有主治之責民有分屬之義疆界之講不可不亟亟矣國家因控御之便制地方之宜或置或廢各用其道均有事蹟可述况霞浦瀕海幅員之盈縮多所變更郡縣之名稱選有同異經歷之故尤為紛訟不有表焉考古者其奚以徵作疆界沿革表

霞浦為古揚州地三代以降為越為楚為閩中郡史記可按漢封無諸為閩越王都冶瑋接漢書與西南夷同傳義等語際時猶未入版圖也後漢始隸會稽南部海濱斥鹵土曠人稀則亦遙控之而已本邑沿革當以晉道溫麻始六朝因之隋入原豐縣至唐武德即為長溪縣時為寧遠鎮武后時復為長溪縣五代歷宋悉如霞浦縣志

霞浦縣志 疆界沿革表

疆界沿革表

歷代說明

唐	虞	夏	商	周	秦	漢	東漢	吳	晉	宋	齊	梁	陳
未名縣	揚州 <small>今江州</small>	同	同	七閩地	閩中郡 <small>今閩</small>	閩越國 <small>都於冶郡</small>	會稽南部 <small>治於縣</small>	建安郡 <small>今建</small>	晉安郡 <small>今晉</small>	前晉平郡	晉安郡	同	同
<small>未編之南至於海內無其典</small>	<small>江州海濱之內</small>	<small>同</small>	<small>同</small>	<small>方氏所封七閩在其國</small>	<small>其地屬閩中而向至海濱</small>	<small>其地屬閩中而向至海濱</small>	<small>東漢晉初疆界漸北</small>	<small>東漢晉初疆界漸北</small>	<small>東漢晉初疆界漸北</small>	<small>東漢晉初疆界漸北</small>	<small>東漢晉初疆界漸北</small>	<small>東漢晉初疆界漸北</small>	<small>東漢晉初疆界漸北</small>

隋縣	唐長溪	長樂	福州	福州	福州	福州	福州	福州	福州
廢處安	今長溪	郡江南東道	州福州都督府	州福州都督府	州福州都督府	州福州都督府	州福州都督府	州福州都督府	州福州都督府
唐長溪	州泉州都督府	福州節度使	福建觀察使	威武軍節度使	福州節度使	福建觀察使	威武軍節度使	福州節度使	福建觀察使
唐長溪	州泉州都督府	福州節度使	福建觀察使	威武軍節度使	福州節度使	福建觀察使	威武軍節度使	福州節度使	福建觀察使
唐長溪	州泉州都督府	福州節度使	福建觀察使	威武軍節度使	福州節度使	福建觀察使	威武軍節度使	福州節度使	福建觀察使
唐長溪	州泉州都督府	福州節度使	福建觀察使	威武軍節度使	福州節度使	福建觀察使	威武軍節度使	福州節度使	福建觀察使

霞浦縣志

疆界沿革表

三

王... 霞浦... 疆界沿革表

... 疆界沿革表

元	明	清	民國	霞浦縣志
福州路	福州府	福州府	福州府	疆界沿革表
福州路	福州府	福州府	福州府	疆界沿革表
福州路	福州府	福州府	福州府	疆界沿革表
福州路	福州府	福州府	福州府	疆界沿革表
福州路	福州府	福州府	福州府	疆界沿革表

霞浦縣志

疆界沿革表

四

... 疆界沿革表

... 疆界沿革表

山海經云甌閩在博中註云閩越即西甌地有謂閩非甌者未深考耳縣治在閩頭浙尾東西甌之界亦禹貢揚州之屬夏少康封庶子無餘於會稽南至海此其封內也無餘傳至無疆楚滅之秦滅楚置閩中郡七世孫無諸從諸侯滅秦又率越人佐漢擊楚高帝五年立無諸爲閩越王都冶今福州府治其後甌越治兵相攻元封元年徙閩而墟之始元二年始自立爲冶縣屬會稽郡建武三年改冶縣爲侯官縣晉太康三年始析侯官置溫麻縣屬晉安郡以溫麻縣北元康元年屬江州南宋泰始四年屬晉平郡陳友定初屬閩州隋開皇九年廢溫麻縣入原豐縣今屬唐武德六年以溫麻廢縣置長溪縣屬泉州都督王義童移長溪縣治於連江改名連江縣此地爲甯遠鎮嗣聖十九年復置長溪縣而連江自爲縣如故開元十三年始改開閩州爲福州長溪屬之開成中析縣寧川地爲威德場五代爲閩

霞浦縣志

疆界沿革表

五

王龍啟初升威德場爲甯德縣閩亡又屬吳越宋咸平三年析甯德關隸鎮爲關隸縣今屬元豐四年析長溪永樂鄉二里靈霍鄉三里爲福安縣元至元二十三年升長溪縣爲福寧州領二縣屬福州路至正二十六年乙巳陳友定竊據明洪武元年戊申州人袁天祿以福寧州歸附二年改爲福寧縣景泰六年析福安地置壽寧縣成化九年仍爲州直隸領福安寧德二縣清初仍明之舊康熙二年升福寧州爲福寧府乾隆四年析霞邑之望海育仁廉江迤香四里爲福鼎縣民國二年廢府仍爲縣

今按諸志溫麻之地西南盡甯德連江及羅源之半西北盡福安壽寧政和之半兼總七縣合而一之故當時溫麻疆域最大其後爲長溪亦大第境土夾於福州建州之間故南析連江羅源入於福北析政和壽寧入於建又析置福安寧德來屬及乎置府又割壽寧合前

福安甯德同爲附郭縣迨清中葉析霞浦而二之曰福鼎則是郡所屬爲五縣矣霞浦之幅員至是始小今將合縣所轄四至八到及面積之縱橫如左

東至梅花鄉以外之青嶼爲界與鼎接
西至官嶺以福安之柳溪爲界
南至東冲口

北至占嶺爲三縣交界處占嶺十一神神司百步五
東南至東海以外之台灣海爲界與台灣接
西南至虎嶼港水線與福安白馬門口爲界
東北至長岐善坑等鄉與福鼎之官洋社家村爲界
西北至陸家庄蒲洋等鄉與福安之上白石爲界
縱自占嶺下起至東冲外之水洋止計四百零五里

霞浦縣志

疆界沿革表



六

橫自官嶺起至梅花鄉外之小嶺山止計二百二十里
自縣治至福州計五百里至北京計七千里


由城東到福鼎界七十里
西到福安界四十里
南到海一百里
北到福鼎界一百二十里
東南到海七十里
西南到福安界五十里
東北到福鼎界一百里
西北到福安界六十里

附記

本表係根據上海分海關之調查，將上海各埠之海關，分列於左。其海關之名稱，係根據其所在地之名稱，而加「海關」二字。其海關之代號，係根據其所在地之名稱，而加「海關」二字。其海關之代號，係根據其所在地之名稱，而加「海關」二字。



瀨瀨瓦山此致元一覽表 張邦經製



docsriver 文川网
入驻商家 古籍书城

在文川网搜索古籍书城 获取更多电子书

霞浦縣志卷之二

緯候表

星野占驗其說齊矣授引星經旁據曆學汎濫竇實究奚取焉惟
 明天文志福建當北極出地二十六度測以西法全省既二十六
 度閩侯當在二十五度今霞浦在閩侯北以緯言當在二十六度
 之五十二分而經當在東偏之三度四十三分也寒暑氣候即以
 二至日分晝夜時刻而遞推之可以見矣至溫冷之線度城郊與
 鄉野不同高山與近水尤異是又非可以概論也纂緯候表

霞浦縣志

緯候表


縣治經緯度及二至日出入晝夜長短表

經度		緯度	
東經	三度四十三分	北緯	二十六度五十二分
日出	上午六時五十分五十六秒	日出	下午五時九分四秒
晝長	十時一十八分八秒	晝長	十三時四十一分五十二秒
夜長	十三時四十一分五十二秒	夜長	十時一十八分八秒
日出	上午五時九分四秒	日出	下午六時五十分五十六秒
晝長	十三時四十一分五十二秒	晝長	十時一十八分八秒
夜長	十時一十八分八秒	夜長	十三時四十一分五十二秒

霞浦縣志


緯候表

氣候圖



第一層	最高溫度
第二層	最低溫度
第三層	各層平日平均溫度

節氣與氣溫關係圖



上圖三線在上者各節氣最高溫度聯結線在下者各節氣最低溫度聯結線居中者各節氣平均溫度聯結線圖中度數根據民國四年縣立第一小學校教員葉嘉貞所記度數用華氏記表在口中但吾霞地勢西北高東南低氣候因之南北不同蓋北緯二十七度以南地多臨海氣候爲沿海性雖隆冬盛夏有海風之調劑不如內地之嚴酷二十七度以北則崇山峻嶺愈北愈高上西區一帶冬季溫度每降至華氏三十二度以下常致淺水結冰高山積雪云

霞浦縣志

緯候表

四

周禮保章氏以星土辨九州之地所書封域皆有分星以觀妖祥鄭註十二次之分也星紀吳越

爾雅星紀斗牽牛也郭註牽牛斗者日月五星之所終始故謂之星紀邢疏星紀吳越

史記天官書斗江湖牽牛婺女揚州

漢書地理志吳地斗分野也粵地牽牛婺女之分野也

後漢書郡國志自斗十一度至婺女七度一名須女曰星紀之次於辰在丑謂之赤奮若於律爲黃鐘在子吳越之分野

晉天文志自南斗十二度至須女七度爲星紀於辰在丑吳越分野

屬揚州

隋書地理志揚州於禹貢爲淮海之地在天官自斗十二度至須女

七度爲星紀於辰在丑吳越得其分野

霞浦縣志

緯候表

五

唐書天文志南斗牽牛星紀也

明史天文志屬羅布政司所屬皆牛女分

元史天文志斗四度三十六分六十六秒入吳越分星紀之次揚州

之分

唐王希明步天歌女先從越爾向東論

春秋緯元命苞牽牛復揚州分爲越國

魏陳卓會稽入牛一度

吳虞翻會稽上應牽牛之宿下當少陽之位

宋史天文志天市垣二十二星東西藩各列十一星其東垣第六星

曰吳越亦爲星紀之次

唐書地理志江南道古揚州南境爲星紀躡尾分

輿地通志牽牛跨浙粵閩三省西屆樞川西北盡拓浦東抵長溪而

清漳當嶺南距會稽不上數百里實在周天分度數一千四百六里之內即謂十閩咸隸於牛一度也亦無不可

史記天官書元光元狩越之亡熒惑守斗是時閩越徙民江淮漢書

唐書天文志景福元年十一月有星孛於斗牛占曰越有自立者時

王潮起於閩中中書

通鑑地理通釋熒惑主吳越

春秋緯文耀鉤徐揚之州屬權星權為北斗第四星按此長溪屬權

閩書氣候恒煥閩地多暑氣恒煥北地多寒小其異也

閩中無雪按此地無雪恒煥北地多寒小其異也

霞浦縣志

神像表

六

霞浦縣志卷之三

大事志

地方有大事故必影響於其政治風俗或以得惡習之留貽或以成文明之增進考之紀載其例非一入其疆而有異於耳目者溯而考之皆有其致此之由此最足供論治者之所玩味者也霞邑西北阻山東南濱海伏莽易滋暴潮時至較之他邑變故特多又向為府治各屬政令所從出不有紀之曷明沿歷之蹟今彙集史書府志及私家論著刺取其有關本邑者編次年月闕者仍之亦一方得失之林也志大事

漢武帝時東越叛反覆朱買臣因言故東越王在保泉山漢書地理志今更徙處南行去泉山五百里居大澤中若發兵浮海直指泉山陳舟列兵可破滅也乃拜買臣會稽太守治樓船備糧食水戰

霞浦縣志

大事

具歲餘買臣受詔將兵與橫海將軍韓況等擊東越

元鼎六年餘善刻武帝璽自立天子遣橫海將軍句章浮海從東往

元封元年入東越殺餘善將其民徙江淮間漢書地理志

陳天嘉四年討陳寶應遣都督章昭達自建安入余孝頃督會稽永嘉諸軍自海道併力乘之寶應大潰

隋開皇十年泉州王國慶作亂自以海路艱阻不設備揚素泛海掩

至國慶棄州走餘黨散入海島隋書地理志

五代王審知受梁太祖封為閩王時楊行密據江淮間審知歲遣使

泛海自登萊朝貢於梁而又招來海上蠻夷商賈五代史

南唐保大四年陳覺馮延魯等圍福州討李宏義吳越將余安援兵

自海道至白蝦浦登岸馮延魯等敗走南唐書

宋祥符二年六月建州叛卒葉儂陷福州

七月朔寇寧德縣長溪合潘中赴援死之

嘉祐四年知福州蔡襄奏福興漳泉邊海其巡檢下兵士多不習舟
船緩急不足便令今除已行逐處修葺刀魚船各取現管數目編
籍外其兵級常切教習舟船諸會水勢以備差使又奏福州海口
巡檢一員移於鐘門掌海上風檣船船令出海巡警

八年提刑司奏長溪羅源寧德連江長樂福清六縣間邊海盜賊乘
船出沒乃添置沿海六縣巡檢一員於長溪造刀魚船十隻往來
海上收捕

李綱劄略臣勘廣南福建路近年有海寇官司不能討捕帥司無
戰艦水軍寇至坐視猖獗瀕海之民罹其荼毒船船既多愚民嗜
利喜亂從之者衆浸成大患伏望於風濤之險以水夫駕舟以官
軍施放弓弩火藥雖賊權忽可以迫逐掩擊

霞浦縣志

大事

二

紹興六年四月命福建安撫司發水軍討海賊鄭慶

十四年五月大水六月詔賑恤

三十年令安撫司籍募土豪水手漳泉福興籍募到船三百六十隻
水手萬四千人仍於瀕海巡檢下土兵內取七分誠水勢者每月
一次同土豪水手船出近海港口救閱三五日復還本處

乾道元年四月不雨至於六月始雨

五年大火

淳熙十八年八月己未雨至九月乙丑大風雨暴至瀕海舟楫漂沒

無算

德祐元年寇入縣境俘掠甚衆

元

至正六年春二月大水非常漂沒

十年五月方國珍剽掠至大小鎮官慰司移檄元帥憲海率萬戶
孫昭毅等往捕師潰於水墉賊追至赤岸扈海被執州民四竄

十二年始團義兵社

先是福州路以紅巾池細等為亂四處侵掠下所部備寇州尹王
伯顏募壯士張子光周顯卿袁禮文周德輔等備團練而社兵起
十一月紅巾黃善營屯福安縣攝縣趙執中主簿潭屠輪夜遁

十二月太安社兵至福安縣追賊首陳六七等於穆洋龍首橋還
縣大肆掠先是黃善自稱新州道都元帥報榜脅民從逆於是
沿江負販深山樵採之徒蜂起為偽千戶偽萬戶偽總管而民如
在湯火中矣

十三日黃善引賊黨二萬寇縣境州尹王伯顏自將禦之官軍敗
於山腰

霞浦縣志

大事

三

來賓縣巡檢州人阮宗澤禦賊於南屏死之

十三年二月十七日賊黨復陷縣治州刺張光贊死之同知林德成
走七莆以圖恢復陳陽盈以泉州稅課副使值優歸與伯顏協力
拒賊既敗賊脅之降陽盈大罵賊十八日與義士湯成順同遇害
家業焚掠殆盡遂不屈死

十六年賊黨至雷壇執州尹王伯顏死之

先是紅巾賊逼境伯顏立四門為堡募民訓練以備諭鄉民團結
保守賊分道至境以千戶殿不花長泰主簿陳文積守西門自率
中子相引兵至楊梅嶺戰賊獲大集退守州城遣阮宗澤禦南
道宗澤與賊戰於古縣敗退至南屏死之壬午殿不花陳文積開
西門遁去賊突入伯顏奮身力戰馬中流矢遂逸北門被執賊首
謂伯顏曰公廉能素著若屈公仍尹此州何如伯顏曰敗惟有死

請伯顏曰公廉能素著若屈公仍尹此州何如伯顏曰敗惟有死

耳嘗能從賊帥強之跪伯顏曰膝可斷不可跪賊怒甚毆之伯顏
嚼舌噴血賊而大罵曰吾生不能殺賊死當殺賊矣遂遇害於東
門外神色不變立而受刃出血盡白頭墜地而體不仆時年六十
矣死數日色如生民無老穉號哭不絕賊亦後悔俄有毒蜂如雲
屯賊庭民收葬尹屍而蜂散賊中常見尹引兵入州治皆警賊賊
首無故自斃其子相亦被執賊欲官之相曰吾與賊不共戴天願
從爾耶亦死之明年林德成起兵討賊望空呼曰王州尹率陰兵
助我斬賊時賊視紅衣軍來忽大敗從此紅巾遂平

五月七日蒲團安寧社

二十五日同知林德成率義士蕭克明張子文等復州治誅賊首

江二榘於迎恩亭德成升州尹此時已有此亭

六月十一日殘寇卓仲溪王野僧等復攻陷州治空城一炬火及

震浦縣志

大事

四

東郊

八月袁安文以柘洋里團泰安社

九月大疫民死者十七八

十四年正月三峽賊鄭長脚引眾侵州治二社會兵攻之二社

六月縣地大饑死者以澤量

十一月張子文袁安文令都民貢賦悉納二社又攻掠八都迫令

輸賦怨聲載道

十五年正月大疫

防司副使郭興祖行部至州榜示周恤郡士許寬上書極言二社
之橫文

是年州縣大饑人相食

十六年福安官塘賊傅貴卿起長溪南鄉一帶大受其禍

十一月二社合兵破三峽賊擊其穴

十七年諸鄉各起團社吞并田土民怨有諸

十八年七月福建行省檄州討傅貴卿八月袁天祿率水師六十餘

艘先至黃崎龍敗績陸兵深入賊巢焚其柵寨而還

十九年二月福建行省參政觀音奴討傅貴卿舟師敗於官塘二社

赴援復敗泉州路治中袁安文陣亡

二十年十月國公大耳赤以照會升袁天祿中奉大夫江西行省參

政徵其兵今世謂天祿

十二月袁天祿赴江西召道經福州福建行省留之授中順大夫

二十一年袁天祿納款金陵明太祖賜書褒之

初丁酉歲義兵萬戶賽甫丁阿里迷丁據泉州陳友諒入杉關閩

震浦縣志

大事

五

地騷動天祿知天命有在遺古田尹林文廣來納款文廣以其年

六月由海道出溫台為方國珉所邀至是始遠

十月太安社築城

是時凡橋道攻墓盡毀掘莫敢誰何民作吟傷之是時

二十二二年二月太安安寧二社治兵相攻

二十三年太安滅安寧自是全州悉歸袁天祿統轄

上月廉村社卓仲溪生擒官塘賊傅貴卿獻太安社

十一月袁貴卿於溪坪

二十四年開王埕田令人射矢之所及悉為社田民怨愈甚

徒貧子營

營在六禪巷今稱養濟院參謀林天成居藉之右迫貧子遠徙否則阱之不能徙者皆自縊昔月大成全族為天祿所屠人以爲報云

洪武元年正月湯和與副將廖永忠伐陳友定自明州由海道乘風

抵福州之五虎駐師南臺使人諭降不應遂圍之敗平章曲出於

城下參政袁仁即天祥請降遂乘城入即天祥

二年溫州叛賊葉丁香寇州治屠戮甚慘官軍討平之

是年大疫死者相枕藉

虎縱橫村落傷人畜無紀有杜門者虎踰垣壞壁而入嗜之道絕人行是年境內稱三災

震浦縣志

大事

六

一

三年六月倭寇山東浙江福堪瀕海州縣長溪南鄉大受擾害

五年命浙福造海舟防倭

時倭屢寇邊海帝患之顧謂湯和曰卿雖老強爲朕一行和請與

方鳴謙俱鳴謙國琛從子也習海事常訪以禦倭策鳴謙曰倭海

上來則海上繫之耳請量地遠近置衛所陸戰步兵具戰艦則不

得入入亦不得傳岸近海民四丁籍一以爲軍戍守之可無煩客

兵也帝以爲然乃度地設衛所城明年海城工竣和還報命

按明初備倭祇於海上巡捕至此始量地遠近置衛築水陸設防

嗣是江夏侯信國公遞有增置法制周詳鳴謙致語實發其端也

七年火燬廟學及民舍百餘家

十九年大水人民淹沒大牛田園邱城

二十年命江夏侯周德興抽丁爲沿海戍兵得萬五千人移置衛所

於要害處

按經略海徵備倭置衛所巡檢司築城數十防其內侵又於外洋設立烽火門南日山海嶼水寨

二十一年又命湯和行視閩粵築城增兵置福建沿海指運使司五

日福寧鎮東平海永寧鎮海領千戶所十二日大金定澎梅花萬

安甯福崇武福全金門高浦六盤銅山元鐘

二十三年令濱海衛所每百戶及巡檢司皆置船二巡海上盜賊

永樂十七年三月不雨至於五月首種不入

正統五年六月瑞蓮生於州學泮池

九年侍郎焦宏蒞閩遷烽火南日水寨於松山

十三年柴頭正詐稱鄧茂七副將圍州不克而還

景泰三年鎮守尙書薛希理出而經略增置小埕銅山二寨沿邊衛

震浦縣志

大事

七

一

所鎮戍之設漸加密焉又遷清嶼水寨於廈門議者以爲棄其藩

籬突成化末當事者以孤島無據奏移小埕銅山於內港內港山

灣崎嶇賊舟窄小易趨淺水而兵舟濶大難於迎敵遂致失利

五年七月十四日夜颶風害稼

天順間大饑斗米銀二錢

成化五年九月十九日大風海湖滄沒舟廬

十六年閏八月白鶴南山鳴

十八年七月十九夜暴雨各鄉山崩

是年艦

十九年六月十九日海嘯

二十年以後連荒邑市蛇傷禾畜亦傷人

二十二年六月巳卯地震九月又震

八月大疫是年復大旱至二十三年相繼凶荒米價騰貴民取舊
頭麻根充饑
正德三年五月至七月不雨
五年秋冬月大疫

十一年正月十五夜州學右夏家火延燒官民房屋數萬百刻方熄
僅存城兩隅火後大患喉疾朝發夕死至六月未旬始已

十四年正月元旦雨雪三日十六年元旦如之高山深谷彌月不消
嘉靖元年痘疹大作殞者甚衆二年亦然

三年四月不雨至六月
五年四月旱至九月方雨禾麻菽粟皆死是年五穀乏種
六年大饑

三月穰寇周六焚掠九都延平知府陳能剿平之

霞浦縣志

大事

八

七年地大震屋瓦皆鳴池水盡沸踰時方止

九年大風害稼十年七月大水十一年冬雷十二年八月十二夜大
風折木十三夜颶風大作十四年五月大疫道殣相望有虎自浙
倚南郊樹死

十五年旱六月兩虎往來東南南門五日不去知縣程世鵬爲文告

城隍神數日通文通理行集生機動物性相地相和氣平下物咸濟其德則或應或感或
年仍神其功於山川草木亦皆靈驗其德不測於人心者何啻不名於世而名於心哉

十六年三月至六月不雨冬至後一夜大雨雷電
十七年知州謝廷舉上減本州驛傳夫役疏

疏見藝文福州知府將州縣銀三千兩幫貼三山等驛不存其餘
故州縣夫役無所出多派及里甲民困甚矣廷舉展申請按院不
遂疏將上適蒙准減追回三年後復府編貼驛加追每石徵銀三

錢六分民困益甚
正月不雨至四月九日始雨苗種不入土是月賊掠繁嶼並南鄉
各土堡復大疫

七月海寇劫古縣村渠魁爲虎所傷始辟易登舟遁去
十八年詔選錦衣千戶李隆巡按御史李鳳翔開礦於州知州謝廷
舉力陳其害報罷

謝之言曰有金而以爲無者欺也無之而以爲有者亦欺也欺罔
於暫可常繼乎他日必有投爐以死如葛佑二女者正統間課額
不取之山而徵之田其言果驗

十九年庚子賊李光頭許棟引倭聚雙嶼港爲巢分掠福建浙江光
頭者閩人許棟者歙人許二也皆以罪贖福建獄逸入海勾引倭
衆聚雙嶼港其黨王直徐惟學葉宗滿謝和方延助等出沒諸番

霞浦縣志

大事

九

分鯨剽掠而海上始多事矣

二十年三月至六月不雨縣官文高齋步禱立應
二十二年七月十六日無雨水暴漲頃刻高三丈許破城垣漂田舍
溪口橋圯八月火

嘉靖丁巳戊午連年倭寇東南各鄉以戚參將奏准沿海各鄉築

堡自衛至乙卯歲倭自浙入蹂躪遍州境以鼎邑之秦嶼有土城
失利去繼攻邑南鄉間缺亦以堡堅失利於是南若沙沿竹嶼南

屏厚首東若七都三沙北若柘洋之西林凡沿海與區競起而興
城堡者無慮數十處

二十七年戊申三月都御史朱秩以都司虞鏗帥福清兵船泊溫州
之海門把總徐亨統燕山兵船協助之以備福甯之北境海道副
使柯喬統福清兵船泊漳州專備海戰以遏南逸副使翁淵駐

福寧州僉事俞廣駐泉州備倭黎秀駐金門把總孫放駐流江各分汎地水陸截捕六月賊許二劫北巷羅浮同知張魯把總王麟指揮閩濟張文晏千戶王瀨王變禦之二十日金鄉指揮吳川進攻於近山海洋擒許棟其黨王甫等收合餘衆復肆猖獗

三十一年倭百餘掠古縣千戶吳清往征陣亡

六月倭劫三沙

三十四年拓西城十一月倭九十餘由福清海口抵州寇浙

三十五年丙辰正月倭自海口遁至西鄉官兵追之斬紅衣賊首一人備倭劉炳千戶王月率兵至石壁嶺阻隘倉卒未成列賊突至於格殺三人力盡無援斃於賊而手持器械尚堅執不墮月亦戰死御史吉澄請於朝立廟祀之賊經長樂石龍嶺逾閩縣欽仁里至福寧竹嶼孤山官兵追之或火攻或伏弩賊敗走參將尹鳳預

置浦縣志

大事

十一

置藥酒於湖坪賊中毒者數十人四月及於桐山又破之

三月三十日倭二百寇州城官軍千數不能撓傷死者三十餘是夜二更地震倭數百從羅源來直抵北城下見有備乃燒陳廉史宅而去

十月二十日倭萬餘剖營三沙是冬五六七八都禾黍俱未收

十二月倭攻閩峽堡不克

知州鍾一元墨縷往征大戰倭寇傳案村廩生陳坡率鄉人助戰至小金師潰被奪分巡舒春芳督兵戰倭於赤岸橋師潰僅以身免

三十七年都御史王詢請分福建之興化爲一路領以參將駐福寧

自流江烽火門小埕至南日山分漳泉爲一路領以參將駐詔安

自南日山至浯嶼銅山元鐘走馬溪安邊縮水陸兵皆歸節制

建省城介在南北去海僅五十里宜更設參將選募精銳部領哨船與主客兵相應援從之

四月倭數百自古田而下殺死備指揮使劉某

三十八年己未三月倭攻州城不克參將黎鵬舉敗之於屏風嶼

下門及三沙海洋

倭攻州城時大雨城崩楯櫓衛分守道舒春芳堅壁清野城外房屋官廟折卸一空

初分巡道顧紳檄署州事武平知縣徐甫宰令軍兵炬火焚元妙

觀南禪寺建善寺三寺宏廠壯麗實爲州城護衛風水之所關鍵前爲倭營不得已而焚遂不可復今且並其地而四分五裂及見者歎之時倭數千至知州柴應寶病篤納印於分巡道顧公即投印於宰時未設客兵惟本衛軍兵自守城宰下令軍中人守一塚

置浦縣志

大事

十一

游兵沿城循行一隅有警二隅晝夜勿移諭州民有積畜者送飯以食守塚者不得擅離違者以軍法治選強有力者養銳待用夜懸燈於塚外俾賊莫窺城上事賊曾數人作神鬼狀舞雙及薄東城宰以崇法宜厭磔犬血擲之隨發銃果仆一人又銃碎其火藥桶並斃其人當倭至時欲分投於近城之元妙觀南禪寺建善寺圍攻州城宰奉令軍兵焚之倭乃營於東郊周氏園亭亭有樓逼對東城宰諭發大銃破其樓飛箭焚之斃數賊賊潰亂而出渠曾金衣督戰於金山有曾避窺戰地將擣吾之慮連發數十銃賊皆仆夜半賊伴作聲攻東南宰命備東北軍人謝益以款贖照數十賊界竹梯於城下將緣之而登城即以巨石投下多斃者賊棄梯去明日千倭繼至合衆并攻復登金字山箭銃入於城中守塚有傷者且分半於南宰神色不動用虎尾鞭傷數賊賊火東郊去小

沙新賊又二千至營利埕四月倭繩繩至無虛日復攻東南統魏三賊朱衣業與曾徒步走福安城陷宰七晝夜不離始得解嚴先是分守運舒春芳召銀銃工及銃手至州鎔鑄習厚賞命中此日之賊奮敵氣春芳力也

是年參將蔡鵬舉自嵩山衝倭舟為兩截沉其一追至三沙火鎮山以火攻大破之

先是軍門阮勳面諭都司張漢主和分巡舒春芳與鵬舉主征阮大怒逮妻妻子下獄杖死家丁四五人乃釋春芳非忠義素著幾不免耳

六月乙亥參將蔡鵬舉被逮去

初總制胡宗憲命指揮張四維都乘守閩浙界兵入掠我南嶺慘毒甚於倭賊舉征之殲七人宗憲銜之舟山之敗留臺御史李朝

重浦縣志

大事

十二

論宗憲宗憲疑總兵俞木猷及鵬舉指授以同鄉故且宿憾耳

七月二十九日倭破桃坑寨八月初一日連攻柘洋堡不克

是日倭破桃坑寨殺守寨十一人直至柘洋攻堡上仙嶼賊城中虛實城中架木堞樓為禦殺賊頗多賊退初四日伐竹為雲梯昇城下城上以鹿角柴擲下梯不得前又用竹束大石投之賊棄梯去初五日賊四面雲梯攻城上矢石如雨賊死無算賊酋揮羽扇復台大戰死傷甚衆乃揮扇止攻破雲梯而退十二日燒各村房舍拔柘寨去柘人尾其後至梨坪生擒十餘賊於是鄉人始知有城堡之利而沿海五十七堡次第創築云

四十一年新倭巢五都橫嶼又據雲淡門窺內港為官井洋瓜魚船無敢不敢入遂寇軍德

八月初一日浙江參將戚繼光帥募士八千至州初六日渡金華

初七日入寧德初八日早抵漳灣師行漳海中把總王如鵬朱璣秦縣團奮勇先登獲倭衆千餘於橫嶼

四十二年五月倭寇流江沙埕初三日烽火寨把縣朱璣率舟師破之獲首虜五十餘

二十四日把總如王龍追倭於小石嶺大破之

春間倭數千從州流江陷壽寧政和復屯東洋從漳灣返寧德幸居壽寧聞戚參將由連江至欲奔壽寧政二路是日如龍尾其後羊腸路日賊總光跌足身先士卒至小石嶺如龍縱火焚賊盡殲之離光手書慰如龍曰擊躋六十里自朝枵腹風馳萬丈嶺全捷而還此天下奇男子事業也總兵當退舍待兄矣

先是倭大舉將入犯寧德屢陷距寧城十里有橫嶼賊阻水為營官軍相守論年不敢擊其新至者營福清牛田而酋長營興化互

重浦縣志

大事

十三

為警援巡撫游震告急於浙督胡宗憲檄參將戚繼光率都司賊冲將把總胡守仁剿之先擊橫嶼破其巢乘勝至福清時九月二十八日賊取兵有律福清民大悅家具軍食餉兵屯於城邑今及父老請歸期繼光曰吾兵疲且休矣俟緩圖之賊偵者歸告不為備夜督兵行三十里黎明破其巢斬首千餘級邑人尙未知兵出也賊退屯牛田泥塗數里以官軍不能至繼光下令人負草一束將領不知所為明晨疾馳賊營以草填地賊奔遁赴江死者萬計餘賊走興化急追之夜四鼓抵賊寨連克六十營斬首數百級平明入城人始知持牛酒勞旋旋師抵福清遇賊自東管灣登陸擊斬二百人而都督劉燾亦屢破賊宿寇殆盡自嘉靖乙卯以後十餘年間東南被倭中外騷然財力俱耗當是時武備久弛控馭無方內地奸民復勾引嚮導遂致荼毒蔓延生靈之塗炭極矣微

繼光蕩平之其有寧宇耶初王直引倭入寇大獲利運島而來數歲殺傷殆盡有全島無一人歸者

八月南賊十餘船乘夜劫松山擄男婦百餘人舟泊海中俟其家責贖而後去

十月二十七日把總葉大正剿倭於嶼

十一月初三日倭破長春村堡原志無此

是日參將雲鵬舉所部兵出哨流江假倭登岸焚規村落

四十二年四月二十一日參將李超破倭千餘於水灣進至西關殺戮殆盡

是歲巡撫譚疏官五寨守扼外洋法甚周悉宜復舊制以烽火門

南日活嶼三嶼為正兵銅山小埕二嶼為遊兵寨設把總分汛地

明斥埃殿會哨改三路參將為守備分新募游兵為二遊各九千

廣濟縣志

大事

十四

人春秋番上各縣民壯皆補用精悍每府領以武職一人兵備使者以時閱視皆從之

按烽火門屬本州餘皆屬別縣萬曆府志小埕水寨在連江縣定

海所前定額船曰十六北與烽火門會哨

慶曆初始添設海壇清網二游兵萬曆間尋增南灣青山涇州三遊

原志無此

六年閏二月降守備張奇峰移四郊關帝像於教場之西廟既折將

移聖像像首自搖動傾城往觀傳為異事

萬曆元年六月三十日南賊屠塔頭堡在北壁東

是年七月 日午曲井水沸溢於街至暮乃止

七月二十日南賊航海至松山官兵敗績把總劉實死之

先賊日海防船泊海釣魚船載兵把總每船索賄六七金始放行

六年五月初八日拓洋大害

六月朔官激軍官倉子青鼓噪城門連閉三日

九年正月丈量官民田畝

十六年州縣旱自此連歲相繼

賊夜規倉洋村擄獲之

十七年七月十四日辰刻地震已剝蓮池上墮重宅火延燒州治數

火兵燬火藥庫為數庫去瓦而火箭四射燬學宮及民舍數千

州城為之半空

十八年七月虎由西北城候夜入曉出經旬不傷人自遁去

二十一年九月霜旱

二十二年大旱

二十八年二月初七夜雨雹是年秋冬痘疫

廣濟縣志

大事

十五

二十九年五月倭船三隻突至青山殺死哨官王某船遭泊於松山

三日城中戒嚴是夜偵報者疊至訛言倭自松山登岸州民洶洶

震驚大日浙人毛觀科借僕奴來罵言責日本賊王權求貢市州

牧讎毛國科僕奴於松山寬脫去

三十年閏二月二十日大金筆架山前突現一山自己至未形變

幻不一觀者圖之舊志載嘉靖四年四月內亦然山內有靈樹人

物往來交易之狀置海市蜃樓此其再見也

十一月二十五夜火

遺渡雲塔於馬鞍山原志無此

三十二年六月二十八日雷震城隍像

十一月初九夜地大震如雷山谷響海

三十四年大旱

三十五年州縣大饑轉糶外郡始濟

三十七年八月三十日城大水城不浸者三版田土變為陵谷村落

山崩壓死者無數人謂自有州治以來此創見大火也

三十八年八月復大水風雨交作譙樓吹倒

三十九年十一月初六日州東門妄言凌雲塔不利於東衛弁鼓衆

徑自折毀僅存兩層見者傷之

四十一年六月不雨至九月重陽始雨州洋田稻收山田僅收三分

之一

四十二年州又被旱荒十一月初四日夜乘駟境火延燒四境大姓

舊家俱燬

萬曆三十九年東門以十一月初六日火四十二年金波東境以

十一月初七日火燒死本宅男女五人四十二年西門以十一月

霞浦縣志

大事

十六

初五日火皆同此月不知何故

崇禎九年遍山竹生米形如小麥

清

順治四年八月寧德海寇鄭察率兵圍城

五年正月知縣錢楮捧假印出降自以真印遁往省鄭察入城稱監

國魯將軍撫院等官縱兵劫掠十月十二日福安進士劉中藻率

兵用隆武年號來圍城圍為唐王恢復歷七閱月不克中藻於龍

首山截木作炮實以火藥拋擊城內至大年四月初六日城陷時

清州尹宋不服被殺旋攻福安統轄知縣郭芝秀陷其城後陳撫

領兵圍之中藻衣冠危坐吞金不死自經同時舉人羅士琦連邦

珙方德新貢生郭邦雍陳瀚迅及男庠生思沛死之中藻著有洞

山文集後劉令玉璋奏准列之忠義

七月夏大旱

十月瘟疫遭寇大亂

八年二月初四寇又至民匿屋焚焚

十三年冬海寇張明振等竊發城閉一日十六年吳總兵陳省請兵

防寇正月十八日兵至占踞房屋坐索供膳擾害難堪至六月二

十三日始回省民屋遂沿為兵屋每石苗米除正供外派馬料穀

三石鐵料穀七十勛州預備穀六十勛稻草千勛秤皆加倍又勒

借餉銀上戶百兩中戶數十兩不等更官糴料穀加給銀寺兩者

約費數十餘石有田者被虐有財者立窮厥後張明振屢劫不

戢而鄭成功又據臺灣勅令沿海居民出貨供餉至十八年督撫

蘇尚書李邵院疏請移民以絕接濟之根編離立界濱海人民悉

遷界內越界者斬田廬荒廢魚鹽失利百姓流離慘不可言至康

霞浦縣志

大事

十七

熙二十二年總督姚啓聖巡撫吳興祥將軍施琅平定臺灣鄭克

塹歸順海氛始靖下詔開界民歸故土沿海居民競繪姚吳諸公

遺像祀之

丙戌年夏大旱

乙巳五月福撫許題請福寧州復土流民給照開界內港復業採捕

時竹江沙治洪江硯江青山台灣等處先後報墾給照矣

康熙六年八月十六日州城大水

十月龍潭村土匪阮春雷侵縣殺城樓守兵代鳴更鐘把總徐登

聞鐘聲異常覺之率兵至鹿斗街奮力殺賊守備蓋世助集兵接

應賊遁乃大索城內餘賊盡殺之

十三年耿精忠作亂寄德為吹黨曾養姓等所據乙卯賊縱掠各鄉

鄉七都三連劫掠被禍尤烈至康熙親王入閩平之

docsriver 文川网
入驻商家 古籍书城

在文川网搜索古籍书城 获取更多电子书

二十一年院前村有白蠅數十飛入人家食米穀月餘一村盡火

二十四年春旱知縣趙廷瓊下車步禱三日甘霖立沛是年大稔

三十二年癸酉十月龍首山鳴越明年州人吳廷琪登進士

三十三年秋八月浙江泰順王掠天劫奪柘洋蹂躪各村冬十二月

焚燬上城人民一空掠天初在柘洋上城為銅匠因損傷廊石主人陶氏責令賠償衡之及為寇陶氏被其刺滅餘一人避石山

三十九年庚辰南宮火

雍正二年南門政平境火

四年六月晡後西北驟起黑雲雹下如彈

七年八月十五夜風雨大作

八年三月初八日火藥局災

九年西門東隅境火五月初西日昏雷震南宮

霞浦縣志

大事

十八

十年六月蟲災早稻責者皆萎是歲饑

乾隆九年十月初十日夜府前東井火燒鼓樓並龍波東西政平上下萬安五境越日乃熄先是七月彗星見李總兵易砌嶺頭亭形

家言南方失利已而果然三月痘疹流行越歲乃止

十三年十一月六都西波泥臭魚蝦盡死

十五年八月初九夜大風雨推折東門城樓

水高離塚三尺壞東西郊店屋溺死數人棺柩漂流無數是年饑

十六年饑柘洋竹產米乾隆九年十月十日日天大風雨水漲如野此一風九十日未實則...

七月八日大風雨山崩水湧漂屋居民無算

十七年饑二月匪民陳士樂率眾劫借富家粟縣不能制觀察白麟

鞠之斃其首惡論罪有差

二月十七日戌時地震

閏七月十九日颶風大作

十八年三洋柘洋等處羣虎出沒入室噬人至二十一年患始息

十九年四月二十七日雷震北宮東社

二十三年十二月初八日知縣胡世鈺建先農壇於東郊外掘地忽

有烟起一線高六七尺漸大如蓋經時不散眾訝之掘深三尺得

宋元死難忠節潘王二公合祠碑郡守李拔以為英靈所結令設

主祀之碑移登於節孝祠左壇廟下李拔有合祀忠孝祠記

夏六月郡署宅前產五色靈芝二枝九莖郡守李拔作天產靈枝

頌見藝文

二十五年庚辰三月二十八日火延燒民居百餘先是郡署大門前

霞浦縣志

大事

十九

謙樓下有申明旌善二亭倚樓臨街與園圃相接數被火災時火

已薄亭郡守李拔率兵民馳救令毀亭以全樓曳而硬斷者三衆

皆束手李公叩頭獻禱風反火滅樓得無恙乃移二亭於大門外

築牆以隔之

乾隆五十八九年閩浙沿海北接諸山東南通兩粵三面數千里

皆為盜藪其內地曰洋匪蔡牽為魁朱清次之外地曰夷匪多中

國奸民挾安南人為之外地踞於鳳尾洋內地踞於水灣一艇載

數百人夷艇至輒數十艘蔡牽有百數十艘朱清亦數十艘邑東

南沿海胥遭蹂躪

嘉慶三年六月閩浙水師總統李長庚率師擊之獲安南僑侯倫貴

利等四總兵磔之自是夷艇不復至其在閩者皆為蔡牽所並牽

同安人少時流落邑南鄉水灣為人補網水灣漁戶多本同安僑

以奉奸猾能用其衆既得真艇真艘凡水灣風尾餘黨皆附之勢
張甚李公遣大艇凌匪艇上者三十艘名曰遠艇遂運敗奉於岐
頭東霍等洋

八年李公率遠艇擊蔡奉於三沙埔迨至温州之南鹿赤舟六或沉
成燬奉畏遠艇甚厚賂州民造巨艇高於舊艇先後載貨出以遺
寇而以被劫歸報奉得之大喜渡橫洋劫臺灣米數千石分餉朱
清遂與潰合

九年蔡奉連八十餘艇奔入閩之福星塔崗師不敢擊

十一年李清合寇州地李總統擊敗之奉入浙當奉自鹿耳敗還時
甚狼狽迨至和寧得岸奸接濟勢復張

十二年四月蔡奉船至東冲尋見瓜船數千洶洶鼓棹即復退外洋
之浮鹿島

霞浦縣志

大事

二十一

十一月二十五日李總統親率水軍剿奉於潮州黑水洋自捕賊
合戰良久擊破奉遂又自以火攻船繼其後船將燬之不幸中擊
仆提督張見升以所獲蔡奉船子蔡二祭之遺引師退奉遂遁歸
水灣李公既棄上豐悼賜伯爵設忠毅昭舊部王得祿邱良功分
督閩浙繼其功旋殲奉於温州之黑水洋本州水灣三沙皆奉黨
巢窟並剿之

道光二十五年始行鹽務會科派各郡股戶充總費帶以維持鹽課
之短絀富民逃匿凡委員賄其家車馬酒食以及奔走丁役皆有
費必顧轉請托捐運本若干始獲邑西郊游擊二戶膺是役家產
游獲後左文襄疏請改票民困始免

咸豐三年六月颶風洪水經旬不休山崩地陷田園悉成沙礫廬舍
漂圯餓殍遍野為數百年未見巨災最甚者西鄉樟橋一村數十

家背山而居夜半崩壓全村無遺又有橫江村者橫山口夜半
水忽漲民不及避者隨屋漂蕩或浮四五里之遙燭光哭聲中央
宛在吁嗟矣

咸豐七年七月粵匪自號白面殺者其艇以白洋漆塗之故名匪衆
悍甚先劫埕埔村許家賭其男女勒贖閉匿內輪守以女役寇黨
不敢犯揚帆而去後劫竹江村械借鄉家銀二千元而蔡村人援
救艇上砲擊彈子紛起然無穿屋傷人者是夜環江各村望見竹
江燈光高下如沸其實村人無有明火者寇疑怯而退人以爲神
佑云後歲月復至村人已聚納二巨礮以備之遂鳴鼓於坤神廟
生員張高年對艇發礮風怒廟轟及其艇寇遂從此不復至矣遂
請營防之官兵探匪逃乃來反遭其擾

霞浦縣志

大事

二十一

咸豐十年二月白面殺六艘分泊釣岐村擄人焚屋村人謝景發謝
成章亦殺傷賊呈官請辦三月間蔡吳連擊剿滅
同治三年甲子平陽紅布會作亂太守程榮春平之紅布會又名金
錢會私鑄金錢分給爲內號以紅布纏袖爲外號集於平陽匪首
趙辛林孔葵等串同本管各匪目分道來縣籌爲內外應海船三
號裝二百餘人密藏軍器火藥餘黨陸續集會而生箇陳田壁等
爲之內應期於五月十五夜二炮後東西兩門放火爲號內外齊
發分圍府縣鎮守備各營先據府城進攻屬縣定謀如此竟無
知者五月初三日督憲密札程郡守云有平陽匪首毛行兩入事
勾結等情密查無據至十三日探干報平陽人陸續到城數倍率
多交手其備居者數萬戶無不攜械聚率從贖價知亂機已動
十五日發報總辛等分隊來圍約以二更起事程守達密召中營
兵至晚而集圍三沙齊集源入援並飭周縣令備防守一面飛